

Ալիս Մանուկյան

ՄԿՐՏԻՉ ՊԵՇԻԿՔԱՇԼՅԱՆԻ ՊՈԵԶԻԱՆ

Արևմտահայ աշխարհիկ պոեզիան սկզբնավորվեց անցյալ դարի 40-ական թվականներից: Նրա ծագման և զարգացման պատմությունն անվերապահորեն կապված է տաղանդավոր բանաստեղծ Մկրտիչ Պեշիկթաշլյանի անվան հետ:

Պեշիկթաշլյանի հասարակական գործունեությունն ու դրական ստեղծագործական կյանքը գերազանցապես ընթացավ Պոլսի միջավայրում:

1845 թ. Իտալիայից Պոլիս՝ իր ծննդավայրն է վերադառնում ապագա բանաստեղծը: Նա ավարտել էր Մխիթարյանների Մուրատ-Ռաֆայելյան վարժարանը, որտեղ սովորել էր վեց տարի (1839—1845):

Կաթոլիկ փակ դպրոցի սխոլաստիկ ու ճնշող մթնոլորտից հետո, 17 տարեկան բանաստեղծը առաջին անգամ կյանք է մտնում իրրև ինքնուրույն մարդ:

Սնված և դաստիարակված Մխիթարյան միաբանության կղերա-ֆեոդալական դադափարախոսությամբ, Պեշիկթաշլյանը իր ստեղծագործության հիմնական մասով հաղթահարեց Մխիթարյան ազդեցությունը:

Մեծ չէ Պեշիկթաշլյանի դրական ժառանգությունը. նա կազմված է ընդամենը մի քանի տասնյակ բանաստեղծություններից ու պատմական ողբերգություններից: Գրականության համար արժեք և հետաքրքրություն են ներկայացնում հատկապես նրա բանաստեղծությունները, որոնցից մի մասը արձագանքն են հեղինակի ապրած քաղաքական-հասարակական պայքարի, իսկ մյուսը՝ սիրային բանաստեղծություններ, միահյուսված բնության երգերի հետ: Թվով փոքրամիջակա այս բանաստեղծությունների մեջ նա երգել է կենդանի լեզվով, հույզերի անմիջականությամբ, ջերմությամբ ու անկեղծությամբ:

Պեշիկթաշլյանի բանաստեղծություններն իրենց բովանդակությամբ, լեզվական բարձր կուլտուրայով ու ղեղարվեստական մշակմամբ, նոր էջ էին արևմտահայ դրականության պատմության մեջ:

Պեշիկթաշլյանից հետո հանդես եկավ բանաստեղծների մի նոր սերունդ, որոնց մեջ գտնվեցին ուսուցչին գերազանցող տաղանդներ, ինչպիսին Պ. Դուրյանն էր, բայց Պեշիկթաշլյանի մատուցած ծառայությունը հայ գրականությանը երբեք չի կարող նսեմանալ:

Պեշիկթաշլյանի պոետական արվեստի տրագիցիաները տարիներ շարունակ ներշնչման աղբյուր են հանդիսացել երիտասարդ սերնդի համար:

Պեշիկթաշլյանը գրական հրապարակ մտավ որպես Մխիթարյան բանաստեղծ: Նրա ստեղծագործության մեջ կա մի հատված, հատկապես սկզբնական շրջանի գործերը, որոնք կրկնությունն են Մխիթարյան պոեզիայի:

Իրենց թեմատիկայով այդ բանաստեղծությունները սահմանափակ են և միօրինակ: Նրանց բովանդակությունը հին Հայաստանն է: Ինչպես իր ուսուցիչները, նույնպես և Պեշիկթաշլյանը պատմական անցյալի մեջ տեսել է միայն

անհատ հերոսներին, թաղավորներին, և նրանց անձնական բարեմասնությունը է մեկնաբանել հայրենիքի երբեմնի փառքն ու հզորությունը: Անցյալի էջերը բանաստեղծին հանգիստ չեն տվել, վրդովել են նրան բազմաթիվ խորհրդածություններով: Ահա հայտնվում է «Հայաստանի ոգին», սգում է երկրի ավերակ վիճակը. չկան այլևս նախկին թագավորները, չկա և Հայաստանը, այժմ նա անկարևոր է: Հեղինակը երկար չի դադարում, չի խորանում նրա իրական, ծանր վիճակի մեջ. անտեսելով ներկան, անձնատուր է լինում պատմությանը: Վերակենդանացնելով իրենց դարն ապրած հերոսներին, շարադրում է լեգենդար փառքի ու հերոսության զրվագներ նրանց կյանքից: Պատմության վերակենդանացումն ու ներբողումը, ուշադրության և հետաքրքրության սեւումը դեպի անցյալը, կղերա-ֆեոդալական պրոպագանդայի քաղաքական միսիան էր, մասսաներին իրական կյանքից, հասարակական պայքարից քաղաքական ամեն մի նախաձեռնումից մեկուսացած պահելու համար: Այս Մխիթարյան պոեզիայի հիմնական տենդենցն էր, որի ազդեցությանը ենթարկվեց Պեշիկթաշլյանը ստեղծագործության սկզբնական շրջանում:

Պեշիկթաշլյանը ցանկանում է Հայաստանի վերակենդանացումը: Բայց ի՞նչ ձևով: Այստեղ է, որ զրոսկորվում է հեղինակի աշխարհայացքի սկզբնական շրջանի կղերա-ֆեոդալական դադափարախոսությունը:

Բանաստեղծը հայրենիքի փրկության ուղիներ չի որոնում, այն սպասում է անցյալի հերոսների աճյունացած ոսկորների «կենսածիր» լույսից, հին դյուցազունների մոխրից սերված ժառանգորդներն են, որ կենդանություն են տալու ազգին ու հայրենիքին:

Յարիցեն ժառանգաւորք ի ջերմ մոխրոց հին դիւցաւանց,

Նոր կենդանութիւն շնորհել Աղգիս և Հայրենեաց¹:

Պեշիկթաշլյանը հայրենիքի վերականգնման հեռանկարը փոխանակ նոր ուժերի և ապագայի մեջ տեսնելու, կատարում է հետադարձ քայլ դեպի պատմությունը և ներկան ցանկանում է փրկել անցյալով:

Բանաստեղծի սկզբնական շրջանի այս երկերը բացի թեմատիկայից ու գադափարախոսությունից, արվեստով նույնպես Մխիթարյան ազդեցության արտահայտություն են: Լեզուն գրաբար է, բարդ և անհասկանալի, դուրկ ներքին ջերմությունից ու կենդանությունից: Նրանք չեն կարող ներգործել ընթերցողի տրամադրության, հոգեկան հույզերի և զգացումների վրա, որը հետևանք է ոչ միայն բովանդակության միօրինակության, այլ և նյութի գեղարվեստական թույլ մշակման: Նրանք զուրկ են պարզությունից ու անմիջականությունից:

Մոռանալով չափի զգացումը, հեղինակը էջեր է նվիրում միօրինակ նկարագրությունների, բովանդակությունը խճողում ավելորդ պատկերներով:

Ինչպես Մխիթարյանների ողջ պոեզիան, Պեշիկթաշլյանի սկզբնական շրջանի բանաստեղծություններին հատուկ է ոճի և մտածողության՝ վերամբարձությունը, որը չբխելով երկի ներքին էությունից վերածվում է անբովանդակ ձևի: Ձևապաշտության կուլտի ամենացայտուն արտահայտություններից էին «բռնահանգ» և «բռնավանկ» բանաստեղծությունները, որոնք երևան եկան Մխիթարյան պոեզիայի մեջ:

¹ Մ. Պեշիկթաշլյան, Քերթվածքներ և ճառեր, էջ 82:

Բարեբախտաբար նման երևույթները խոր արմատներ չունեցան Պեշիկթաշլյանի ստեղծագործության մեջ և հեղինակը ազատագրվեց նրանցից:

Պեշիկթաշլյանը երգել է նաև պատմական հայրենիքի բնությունը: Բնությունը սակայն, ֆոն է միայն, ելկի հիմնական բովանդակությունն ավելի խորացնելու և ամբողջացնելու մի միջոց: Պեշիկթաշլյանի պատկերած բնությունը իրեն անծանոթ է, նա հեռավոր հայրենիքի անցյալ փառքերի կենդանի հիշատակն է, վերարտադրված բանաստեղծի երևակայությամբ:

Պեշիկթաշլյանը այս շրջանում, դեռևս չէր գտել ստեղծագործական այն ուղին, որի ուժը ոչ թե անցյալի փլատակներից ներշնչվելու, անծանոթ բնությունը գովերգելու, այլ իրական կյանքը, հարազատ բնությունը, մարդկային հույզերը երգելու մեջ էր: Թեպետև ուժեղ, բայց անցողիկ մի շրջան էր Մխիթարյանների ազդեցությունը բանաստեղծի համար: Նա որպես ստեղծագործող և քաղաքացի հասունացավ ու կազմակերպվեց հետագայում, երբ ճանաչեց իրական կյանքը:

Իբրև բանաստեղծ ստեղծագործության հաջորդ տարիներում Պեշիկթաշլյանը չզբաղվեց պատմական թեմատիկայով: Հասարակական նոր պայմանների մեջ Պեշիկթաշլյանի ստեղծագործությունը թևակոխում էր մի նոր շրջան:

* * *

Պեշիկթաշլյանի բանաստեղծությունների ժողովածուն կազմված է ընդամենը մի քանի տասնյակ երգերից, որոնք իրավամբ համարվել են բանաստեղծական տաղանդի լավագույն նմուշներ: Բովանդակությամբ նրանք բաժանվում են երկու հիմնական խմբի՝ սիրային բանաստեղծություններ միահյուսված բնության հետ և հայրենասիրական երգեր:

Մինչև Պեշիկթաշլյանը և նրան ժամանակակից պոեզիայում մերժված էր իրական կյանքը, կենդանի մարդը իր հույզերով, հոգեկան վայելքով ու տառապանքներով: Փակ էր ու անթափանցելի մարդկային ներքնաշխարհը:

Պեշիկթաշլյանի սիրային բանաստեղծությունները համակված են վառ տրամադրությամբ, կենսուրախությամբ: Բանաստեղծը չի տառապում կրքոտ զգացմունքների պոռթկումներով, լուռ տառնապով: Նրան ժպտում է կյանքը, շուրջն ամեն ինչ պայծառ է ու ջինջ: Սերը այն ուժեղ շաղախն է, որ հեղինակին կապում է բնության հետ: Եվ դժվար է սահմանագծել, թե երբ է նա երկում ընդունելու և երբ սերը: Նրանք միշտ միաձուլված են հանդես եկել բանաստեղծի երգերի մեջ: Բնությունը հազեցած է սիրով, որի ուժեղ ներգործմամբ հեղինակը ավելի լավ է հասկանում այն և ընկալում բազմակողմանի ձևով: Բնությունը բանաստեղծի համար մեռած, անկենդան աշխարհ չէ, այլ մեծագույն ներշնչումների կենդանի և մշտական աղբյուր: Պեշիկթաշլյանը չի երգել այն բազմաթիվ երևույթների մեջ, այլ մեծ մասամբ երգել է գարունը՝ բնության վերակենդանացումը, ծաղկումը, ստեղծելով իր հոգեվիճակի հետ ընդհանուր ներդաշնակություն:

Նրա երգած ընդունելը թարմ է, կենսախինդ, ծաղկոտ ու կանաչ, լեցված սոխակի դաշլայով, զեփյուռի սոսափյունով, առվակի կարկաչով: Այն գունեղ է և կենդանի: Այս երգերի մեջ մենք տեսնում ենք իրեն՝ հեղինակին, ջինջ ու հստակ, հոգեկան պարզությամբ: Պեշիկթաշլյանը սիրահար է բնության հեղեղի թ-7

թյան խաղաղ վայրկյաններին, որոնց նկարագրությունը տրված է գերազանց վարպետությամբ:

Պեշիկթաշլյանը այլևս անծանոթ երկրի, երևակայությամբ պատկերած բնությունը չի երգում, ինչպես սկզբնական շրջանի ստեղծագործության մեջ, կոնկրետ է, հարազատ, նրա հմայքով ու հրապույրով է սնվել բանաստեղծը մանկության վաղ տարիներից սկսած մինչև կյանքի վերջը:

Ճալեմտաղն այն գիղեցիկ
Բացի ժուռ գալ անհոգ, մոլար,
Ուր բյուր վտակ բյուրեղ ծոցիկ
Լճատուցաներ տնկոց զալսր¹:

Պեշիկթաշլյանը առանց սեթեթեանքների է գծագրում բնության պատկերները, նրանք պարզ են, արտաքնապես անպաճույճ, բայց նկարչական տաղանդով վերարտադրված:

Բնությունը բանաստեղծի տրամադրությունների, հույզերի հավատարիմ ընկերակիցն է: Անհոգության օրերին, սիրո ժամերին, հուսահատված վայրկյաններին, ամենուրեք միասին են: Բնության անհուն բազմերանգություններից են հյուսված սիրած կույսի հմայիչ ու վառ պատկերները:

Աշուն է, ամեն ինչ դալկացած է ու լերկ, բնությունը զրկվել է վարդից, օոխակից, թիթեններից:

Ջրկա՛ զեփյուռ, չրկա՛ ծաղիկ,
Ի՞վ ծաղկատարափ չրկա թիթեն.
Ջրկա՛ սոխակ, ո՛չ վարդենիք
Լըցյալ ցողով մարգարտահեռ²:

Բանաստեղծը չի վշտանում ամայացած տեսարանից, նա չի թախծում ծաղկեփնջերի, սպիտակափայլ շուշանների, գիշերային խոսնակի բացակայության համար:

Այլ ի՞նչ պիտին ծաղկանց փունջեր
Հորժամ նորա այտերն հայիս.
Այլ ի՞նչ պիտի վարդից հոտեր
Հորժամ նշա մոտ զբոսնվիս:

Ո՛հ, մի՛ երթար դու տեսնելու
Ճերմակ շուշանն թե յիւր ճյուղիկ
Ինչպես նաղի գլուխն աղու,
Երբ հովն իրեն տա ողջունիկ:

Տե՛ս թե կուսին փափուկ ուլան
Վերա ինչպես կը տատանի
Հույլ հոպոպոք գեղածածան
Չքնաղ գլխիկ յուր նազելի:

¹ Մ. Պեշիկթաշլյան, Տաղեր, Երևան, 1947, էջ 28:

² Նույն տեղում, էջ 28:

Հոռոկաց, գիշերց սիրուն խոսնակ
 Լըսե՛ մեկ մ'ալ զյուր դայլայլիկ.
 Հոռոկաց, լուսին երբ ի դաշնակ
 Երթեկեն մանու թաթիկը:

Այս բանաստեղծության մեջ Պեշիկթաշլյանը չի ներբողել աշունը, ինչպես սասացինք, նա ընդհանրապես սիրահար է փթթող գարնան, մերկացած աշնան միջոցով նա ցանկացել է ցույց տալ կույսի հրապույրները, որոնք գերազանց են քան բնության հրաշալիքները և փոխարինում են նրան:

Հուսադրման, երազներով լի շրջանին հաջորդում է հուսալքումը, սակայն բանաստեղծի մեջ չի առաջանում ատելություն դեպի սիրած էակը: Այս Պեշիկթաշլյանի սիրային լիրիկայի հասկանալի կողմերից մեկն է: Նա զգացել է սիրո հրապույրը, ոգևորվել է, ներշնչվել, և վայելքը կանխվել է մոտալուտ հուսախաբությամբ:

Հուսախաբման երգերին միահյուսված է մահվան ուրվականը, որը ոչ թե երևակայության ծնունդ էր, այլ իրական փառոտ՝ լուրջ սպառնալիք հեղինակի կյանքին:

Պեշիկթաշլյանի հիշյալ բանաստեղծությունները շունեն նախկին կենսախնդրությունը, չկա տրամադրության վերելք, այլ ընդհակառակը, զգացվում է ուժեղ բեկում: Նրա երգերը համակված են հոռետեսական տրամադրությամբ, և նկատելի է հիասթափություն ու անտարբերություն դեպի շրջապատը: Կյանքը դադարում է բանաստեղծին հետաքրքրելուց, խորտակված են երբեմնի հույսերն ու իղձերը: Իր նամակներից մեկում նա գրում է.

«Իմ առողջությանս վիճակը միևնույնն է, կրնամ ըսել ավելի վատթար... Կսիրեի ատեն մը կյանքը և իրավունք ունեի սիրելու. բայց հիմա, որ անհուն զգացումներս՝ անհուն պատրանքներ դարձեի են, կյանքը ինձի համար ոչ հրապույր և ոչ արժեք մը ունի. ուստի անոր կորուստն ալ՝ կամ կորստյան երկյուղը չի կրնար այլևս երևակայությունս վրդովել»¹:

Այս շրջանին են պատկանում Պեշիկթաշլյանի «Մերձ ի մահ» գրված երգերը:

Պեշիկթաշլյանը հարուստ է հուզականությամբ, բայց ոչ փոթորկոտ, ջերմ է և սիրող, բայց ոչ կրքոտ, զղայուն է, առանց տվյալտանքների: Նույն հավասարակշռված զգացմունքներով, հանդարտ, բայց զսպված հոգեկան խռովքով հրաժեշտ է տալիս կյանքին: «Մերձ ի մահ» երգերի մեջ չկա զայրույթի և կամ բողոքի ոչ մի արտահայտություն շրջապատի հանդեպ, ատելություն դեպի մարդիկ և վրիժառության զգացմունք «սառ սստված»:

Այսպես անձն իմ ընկճեցաւ ընդ լեռամբ մի ևեթ մտածման,
 Ծիրանափայլ ոլորտ կենացս ահա ի գոյն հարաւ դալկան.
 Շա՛տ իսկ տեսի, շա՛տ իսկ կրեցի. յո՛յս, ե՛րթ, փախի՛ր չկամիս ըզբեզ.
 Մի՛ ըզհանգիստն իմ խրոողէք, ո՛վ ձայնք սիրոյ և բերկրանաց.
 Ողջա՛մբ մնացէք, ոսկեա՛կ անուրջք, լուսատեսիկ երևոյթք,
 Որ այնքան լոյր և այնքան վարդս ւածիք աւուրց իմ գեղաշուք.
 Սիրոն մոլորութիւն, մեղր անոյշ և մահաժու:

¹ «Մասիս», 1893, № 3986, էջ 217:

Արբեցութիւն, որոյ գրկումն աղետաբեր է սրտի,
 Դուք ոչ ևս էք, ա՛հ ոչ ևս էք, փախեան երազք քերթողականք.
 Ողջա՛մբ գնացէք, սըփոեալ յուզողջս ըզբիւր պատրանս և յոյս զամէն,
 Դիմեմ յուշիկ ի գերեզման, այն հանգստոց զիս ոչ խաբէ,
 Առ սիրելօքս վաղամեռ, անդ ի տեղի ինձ առանձնակ
 Հանգեայց և ևս գոհ ՚ւ անսրտում. գէթ անդանօր չեմ անոքիկ¹:

Ժամանակակից երկու տաղանդավոր բանաստեղծների՝ Պեշիկթաշլյանի և Դուրյանի պոեզիայում հատուկ տեղ են զբաղեցրել «Մերձ ի մահ» երգերը: Ինչպես Պեշիկթաշլյանը, Դուրյանը նույնպես դիտակցութեամբ է դիմավորում մահվան, բայց որպիսի՝ մեծ տարբերություն երկու հեղինակների հոգեկան ողբերգության: Դուրյանը խռովահույզ է, կրքոտ ու փոթորկոտ: Մահվան ուրվականը տանջել է նրան, համակել տառապանքի, զայրույթի ու բողոքի ուժեղ շնչով: Դուրյանի ողբիալական բողոքն է անհատական ողբերգութեամբ արտահայտված: Նա երբեք չի համակերպվել իր վիճակի հետ, նա ներողամտութեամբ՝ ու սիրով չի բաժանվել աշխարհից, ինչպես Պեշիկթաշլյանը, այլ անեծքով: Ներքին մաքառումների, ցասման ու ընդվզման պոռթկումով բանաստեղծը դիմում է առ «աստված ոխերիմ»-ը և հրաժեշտ տալիս կյանքին.

Իսկ թե կորնչի պիտի իմ հուսկ շունչ
 Հոս մառախուղի մեջ համր անշունչ,
 Այժմեն թող որ շանթ մ'ըլլամ դալկահար,
 Պրլլվիմ անվանդ, մըռընչեմ անդադար,
 Թող անեծք մ'ըլլամ ու կողըդ խըրիմ,
 Թող հորջորջեմ քեզ «աստված ոխերիմ»²:

Դուրյանի քննադատական, անհաշտ վերաբերմունքը դեպի իրականությունը արտահայտվել է ոչ միայն «Մերձ ի մահ» երգերի, այլ ողջ ստեղծագործության և հատկապես յրամատուրգիայի մեջ: Իթե հեղինակի սկզբնական շրջանի երկերում զգալի է լիբերալիզմի ազդեցությունը, ապա նրանց մեջ մի ժամանակ ուրվագծվում էին դեմոկրատիզմի այն սաղմերը, որոնք հետագայում խորանալով ու ամբողջանալով կազմեցին բանաստեղծի աշխարհայացքի հիմքը:

Ապրելով մոտալուտ մահվան տրագեդիան, Պեշիկթաշլյանին չի զբաղեցնում հետմահվան ճակատագիրը: Նրա վերջին ցանկությունն է հաղորդակից դառնալ բնության հետ և իր շիրմին միակ այցելու բարեկամ ընտրում է «դալկահար» լուսին:

«Տե՛ս, փշրեմ աստ զիմ Քընար՝ լուսին մաղթեմ յետին հայեցուած
 Մի՛ դուրկ թողուս ըզմըտերմիդ ըզցուրտ դամբան մենաւոր»³:

Այս չափով բավարարվում է բանաստեղծի պահանջը մարդկանցից ու բնությունից:

Պեշիկթաշլյանի վերջին շրջանի, այսինքն՝ «Մերձ ի մահ» գրված երգերը, ոչ միայն բովանդակությամբ, այլև արվեստով նույնպես տարբերվում են հե-

¹ Մ. Պեշիկթաշլյան, Տաղեր, Երևան, 1947, էջ 81:

² Պ. Դուրյան, Երկեր, Երևան, 1947, էջ 62—63:

³ Մ. Պեշիկթաշլյան, Տաղեր, Երևան, 1947, էջ 77:

ղինակի սկզբնական շրջանի սիրային բանաստեղծություններից: Արտահայտչական միջոցների, հույզերի վերարտադրման ձևերի մեջ զգացվում է որոշ բարդացում: Ակնառու է հատկապես լեզվի փոփոխությունը, որն ամբողջությամբ գրաբար է և դժվարացնում է երկի ընկալումը: Պեշիկթաշլյանի այս երկերը չունեն նախկին վարակիչ թեթևությունը գույների բազմերանգությամբ ու պայծառությամբ. նրանք այժմ մռայլ են, տրտմության քողով պարուրված: Իրենց ձևով նրանք երկարաշունչ բանաստեղծություններ են, խոհական տրամադրություններով և լի անձնական հույզերով:

*
*
*

Պեշիկթաշլյանի պոեզիայի մեջ հատուկ տեղ են գրավում նրա հայրենասիրական երգերը, բովանդակությամբ և արվեստով միանգամայն տարբեր հեղինակի սկզբնական շրջանի հայրենասիրական բանաստեղծություններից:

Հետաքրքրությունը դեպի իրական կյանքը Պեշիկթաշլյանի հայրենասիրական բանաստեղծությունների կենսունակության հիմնական ակունքն է, որով նա հակադրվեց Մխիթարյան պոեզիայի կղերա-ֆեոդալական գաղափարախոսությանը և աղատագրվեց նրանց ազդեցությունից:

Պեշիկթաշլյանի վերոհիշյալ երգերը օրգանապես կապված են նրա հասարակական գործունեության հետ և արձագանքն են գեղարվեստական խոսքի միջոցով: Այս բանաստեղծությունների մեջ հեղինակը երգել է ազատության համար պայքարող հերոսներին, եղբայրության, «ազգի» միասնության ու պահպանման գաղափարը, հայրենիքի սերն ու կարոտը, նրա ծանր վիճակը և դալիք արշալույսը:

Պեշիկթաշլյանի հայրենասիրական բանաստեղծություններին նոր բովանդակություն և թափ ներշնչեց 1862 թ. Զեյթունի ապստամբությունը: Նրա պոեզիայի հայրենասիրական մոտիվները զարգացան պատմական կոնկրետ իրողության մեջ: Բանաստեղծը երգում է ոչ միայն հայրենիքի ծանր վիճակը, օտար լծի դեմ մարտի դուրս գալու բուռն ցանկությունը, այլ այն հերոսներին, որոնք ընդվզել են ստրկացնող բռնության դեմ:

Լինելով ժամանակակից Զեյթունի հերոսական ապստամբությանը, նա հանդես եկավ հասարակական ակտիվ գործունեությամբ: Իբրև քաղաքացի Պեշիկթաշլյանը ոգևորվել է, խրախուսվել, իսկ որպես բանաստեղծ՝ ներշնչվել է: Դեռ ավելին՝ ունեցել է նույնիսկ անձնական կապեր անմիջապես Զեյթունի հետ¹:

Զեյթունի ապստամբությանը Պեշիկթաշլյանը նվիրել է չորս երգ՝ «Հայ քաջորդի», «Մահ քաջորդվուն», «Թաղումն քաջորդվուն» և «Հայ քաջահին», որոնցից սկզբի երեք բանաստեղծությունները բովանդակությամբ կապվում են միմյանց հետ և կազմում են մի արիւթգիտ:

¹ Ս. Երիցյանը «Իմ ծանոթությունը Պ. Պեշիկթաշլյանի հետ» վերնագրով հուշերում ընդհանուր գծերով պատմում է Պեշիկթաշլյանի կապի մասին Զեյթունի ապստամբության հետ: «Նա (Պեշիկթաշլյանը—Մ. Ն.) ներողություն խնդրեց ուշանալուն և պատմեց թե պատճառը մի քանի պարոնների հետ Զեյթունից եկած մասնավոր զրույցանց պատասխաններ ուղարկելն էր» (տե՛ս «Փորձ», 1877, № 4, էջ 189):

Ովրեր էին այդ պարոնները, ինչ զրույթուններ էին Զեյթունից ստացված և ինչ էն հատկապես նրանց պատասխանի բովանդակությունը, անհայտ է. հարցեր, որոնց պաշ-

Հայ քաջորդին հրաժարվում է կյանքի վայելքներից՝ բնության հմայք, մոր սփոփանք, սիրունու գգվանք, և այս բոլորի փոխարեն պահանջում է

— Կուզեմ վառոդ և պնդակներ:

Հաջորդ բանաստեղծությունը «Մահ քաջորդվուն»-ն է¹, Երիտասարդի ցանկությունը կատարված է. նա դուրս է եկել մարտի և թշնամու գնդակից բնկած է վիրավոր: Արյունաքամ որդուն գտնում է մայրը, որը դեռևս օրորոցից նվիրել էր նրան այդ պայքարին.

Ննորեկ որդվոյս կենացն արև
Զեզի համար փայլի, հայեր»
Այսպես յայնժամ դու կ'երգերի՝
Օրորոցիս նըստյալ քովեր.

Անոնց համար շիջավ, և դուն
Ուրախ լուրեր տար ի Զեյթուն²,

Երկի մարտական ոգին չի թուլանում մոր և որդու սրտաճմլիկ ճանդիպումից, բնդհակառակը վիրավոր զինվորը արհամարհում է իր ծանր վիճակը, նա զոհաբերվել է հանուն հայրենիքի.

Ո՛վ հայրենիք, ի հուր, ի բոց
Քո համար մեր սիրտք վառեցիսն.

Պարանոմը մեծ լույս կարող է սփռել Պեշիկթաշլյանի և թերևս նրա ժամանակակից որոշ անձանց հասարակական դործունեության, ինչպես և քաղաքական դեպքերի պարզարանման վրա:

¹ Հետաքրքիր հիշողություններ ունի Ս. Երիցյանը այս բանաստեղծության հղացման զրդապատճառների մասին:

1862 թ. վերջերին, Զեյթունի անցքերից անմիջապես հետո Պոլիս է գալիս Զեյթունի ղեկավարին մասնակից տեղ Մովսեսը. որը հերոսական անցքերի ականատեսի սրտաշարժ նկարագրություններով զրավել էր ժամանակի երիտասարդության ուշադրությունը: Տեղ Մովսեսի ջերմեռանդ ունկնդիրներից էր և բանաստեղծ Պեշիկթաշլյանը: Հանդիպումների վայրը Երիցյանների տունն էր, ուր իջևանել էր տեղ Մովսեսը:

«Մովսեսի ստեղծ հաճախողը և ժամերով տեղ Մովսեսի մոտ նստողը Պեշիկթաշլյանն էր: Մի սրտաշարժ տեսարան էր հայ մարդու համար, երբ տեղ Մովսեսի արած ղեյթունցոց նկարագրությունը Պեշիկթաշլյանի խոշոր աչվրները արտասովոր կլցնեին և հետևաբար այդ երկու հայտներ անձանց հողվուն կրքերը կզրդոնեին: 1863-ի սկզբում ձմեռային մի ցուրտ երեկո էր, տեղ Մովսեսի հետաքրքրական վեպերը գրված էին շորս կողմը խմրված երիտասարդների ուշադրությունը. նա պատմում էր մի սիրտ ճմլոց անցք, թե ինչպես մի հուսահատ մայր, մի խղճուկ հայ կին, զիշերային լուծյան մեջ, պատերազմի դաշտի վերա փնտրում էր իր միակ որդվուն ղեյակը, որ մի օր առաջ մեծ ջարդ տված էր իր հայրենյաց թշնամյաց: Խորին լուծյամբ և մորմոքված սրտով լսում էինք այդ պատմությունը. տղավորությունը շատ մեծ էր... Նույն ղիշերը հյուրերից մի քանիսը մնացին մեր տանը քնելու, որոնց թվում էր նաև Պեշիկթաշլյանը: Մյուս օրը նա խաճաշիկի ժամանակ, Պեշիկթաշլյանը կարդաց մի կտոր թղթի վրա մատիտով գրած հետևյալ բանաստեղծությունը «Մահ քաջորդվուն», որ գրած էր տեղ Մովսեսի առաջին ղիշերվա արած տխրալին պատմության ազդեցության ներքո» (Էիմ ծանոթությունը Մ. Պեշիկթաշլյանի հետ», «Փոքած», 1877, № 4, էջ 191):

² Ս. Պեշիկթաշլյան, Տաղեր, Երևան, 1946, էջ 33:

Կարմիր ներկան ձորք մեր, ու դուն
Ուրախ լուրեր տար ի Զեյթուն:

Երրորդ բանաստեղծությունը «Քաջորդու թաղումն» է: Ձևով պարզ, բայց մեծ արվեստով ու հուզականությամբ է պատկերված ազատության պայքարում ընկած մարտիկի հուղարկավորությունը: Նա անպաճույճ է, առանց հանդիսավորության, սակայն վեհ բովանդակությամբ: Զեյթունցի պատանին շունի հարազատ սգացողներ, միայն բնությունն է լուռ վշտով ու խորհրդավոր անդորրով համակված:

Ո՛չ փող զարկինք, ո՛չ արձագանք լեռնասույզ
Սարե ի սար շարաշրջուկ տարին լուր.
Ու շերգեցինք ողբոց երգեր սրտահույզ
Նրբ պատանվուն բացինք մրուայլ փոսին դուռ:

Գիշերային մունջ ըստվերներ շուրջ կային,
Նրբ հրաքանի կոթով ըզհող փորեցինք..
Լուսին միայն դողդոջ շողայր մեր գլխին,
Սուգ էր պատեր ըզդաշտ, բըլուր և երկինք:

Երեք բանաստեղծությունների զապաթնակետը՝ մարտական շնչի զորությունամբ, հերոսականությամբ և հուշակոթնությամբ «Թաղումն քաջորդվուն»-ն է: Առաջին բանաստեղծությունը ներածություն է, նախապատրաստում ընդհանուր սյուժեի, երկրորդը՝ բուն բովանդակությունն է, իսկ վերջինը՝ ապոֆեոզ, երկի իմաստը մարմնավորող:

Վասն հայրենյաց մեռար, դու շատ ասրեցար:

«Հայ քաջուհին» ղեյթունցի կնոջ հերոսական նկարագրին նվիրված բանաստեղծություն է: Պեշկեթաշևյանի հայուհին պատմական կոնկրետ դեմք չէ, բայց հայտնի է նույնպես, որ Զեյթունի ապստամբությանը մասնակցել է անխտիր ամբողջ բնակչությունը, տղամարդ, թե կին, մինչև իսկ ծերերն ու երեխաները:

Բանաստեղծության սկզբում նկարագրված է կանացի հրապույրներով ու հմայքով օժտված մարտական հայուհին, երիտասարդ, կյանքի վայելքներին դեռևս անտեղյակ, բայց տողորված հայրենիքի ազատության գաղափարով: Նա ռազմադաշտում է, կռվում է արիաբար մոլեգնող թշնամու դեմ, ուժ և խրախույս ներշնչելով շրջապատին:

Հայկուհի՛ն է, կտրիճ եղեք,
Հայկուհին տա խրախույս, հորդոր.
Ժանտից վըրա հուր տեղացեք,
Մինչև մոխիր դառնան բոլոր:

Ու շանթեցին, հարցե՛ք, ո՛ւր է
Այն բազմամբոխ թրքին բանակ,
Սևափրփուր շունչն արձրկե
Զեյթունցիին ոտքերուն տակ ²:

¹ Մ. Պեշկեթաշևյան, Տաղեր, Երևան, 1947, էջ 34:

² Նույն տեղում, էջ 39:

Պեշիկթաշլյանի պոեզիայի լավագույն էջերից են Զեյթունի ապստամբության նվիրված բանաստեղծությունները, որոնք ստեղծված են բովանդակության և ձևի կուռ միասնությամբ:

Պեշիկթաշլյանը, բուրժուական դիրքերից, սակայն, ակտիվ կերպով արձագանքել է այն պայքարին, որ հայ առաջավոր մտածողները մղում էին օտարերկրյա գաղութարարների դեմ, հատկապես նրանց գործակալ կաթոլիկ հոգևորականության դեմ: Հայտնի է, որ կաթոլիկական պրոպագանդայի դեմ մղվող պայքարի կենտրոնը Կ. Պոլսում հանդիսացավ ականավոր դեմոկրատ Զ. Սվաճյանի «Մեղու»-ն, իսկ արևելահայաստանում, շարժման հիմնական դեմքը Մ. Նալբանդյանն էր, որ սուր քննադատության է ենթարկել կաթոլիկ քարոզիչների գործունեությունը և բացահայտել է նրանց քաղաքական նպատակները:

Կ. Պոլսում օտարամուտ այդ շարժման դեմ մղվող պայքարի ընթացքում հանդես եկան մի շարք կաղմակերպություններ, որոնցից առաջինը «Համադգյաց ընկերությունն» էր հիմնված 1864 թ. Մ. Պեշիկթաշլյանի, դրամատուրգ, թատերական գործիչ Սր. Հեքիմյանի և ուրիշների նախաձեռնությամբ:

Պեշիկթաշլյանը, բացի հասարակական գործունեությունից, պայքարին միացրեց գեղարվեստական խոսքի հզոր ուժը՝ գրելով «Եղբայր ենք մենք» բանաստեղծությունը, որտեղ կոչ է արվում ասիմիլյացիայի ճանապարհին գտնվող հայերին՝ չհեռանալ իրենց ժողովրդից:

Տուր ինձ քո ձեռքդ, Եղբայր ենք մենք,
Որ մըրըրկավ էինք դատված.
Բախտին ամեն ոխ շարանենդ
Ի մի համրույր ցրվին ի բաց.
Ընդ աստեղոք ինչ կա սիրուն,
Քան զանձկալի Եղբայր անուն¹:

Պեշիկթաշլյանը Երկի հիմնական գաղափարը՝ Եղբայրությունը սահմանափակել է աղգային շրջանակների մեջ և մեր օրերում նա այլևս չի հնչում, բայց արժեքավորվում է պատմական մեծ ծառայության համար, որ մատուցել է ժամանակին: Սրանով պետք է բացատրել այն մեծ ժողովրդականությունը, որ ունեցել է «Եղբայր ենք մենք»-ը, և վերածվելով երաժշտության², երգվել է երկար տասնամյակներ:

Պեշիկթաշլյանի ստեղծագործության մեջ հատուկ ուժգնությամբ է հնչել սերը դեպի հայրենիքը, որն արտահայտվել է կարոտի բուռն տենչով. նա հայրենիքը երգել է չերմությամբ, առանց հույզերի ավելորդության ու սանտիմենտալիզմի: Բանաստեղծը տեսել է իրական հայրենիքը, որը Երբեմնի երևակայած՝ փառքի ու հզորության Հայաստանը չէ, այլ ընկած է նա, բռնության լծի տակ ճնշված ու ավերված: Մոռյալ է հայրենիքի ներկան, նա պարզությամբ է թախծով, բնությունն անգամ վշտարել է.

¹ Մ. Պեշիկթաշլյան, Տաղեր, Երևան, 1917, էջ 17:

² «Եղբայր ենք մենք»-ը առաջին անգամ լույս տեսավ Տ. Չուխաթյանի և Գ. Երանյանի հրատարակած «Քնար հայկական» հանդեսի մեջ, 1882: Տեքստը երաժշտության է վերածել իտալացի երաժշտապետ Ֆոսթինին:

Մո՛ւթ է գիշերս, ինչպես սիրտս ալ.
 Եվ թուխ ալիք մշտափրփուր
 Վանա ծովուն ծիածավալ
 Հառաչանոք լի են տրիուր.

Գոց են ամպով աստղունք... և հույս,
 Դեռ շատ հեռու է Արշալույս ¹:

Պեշիկթաշլյանին չի ահաբեկում խավարը, նա հոռետես չէ, լավկան ու հուսահատ. ընդհակառակը, կյանքը սիրող ու ողջունող, լավատես դեպի ապագան: Հին ցավերից վշտահար ծերունի վանեցին հրաժեշտ է տալիս կյանքին, և րիստասարդ սերնդին գուշակելով գալիք արշալույսը:

Եվ դու Մեհեկ, կուլա՞ս անհույս,
 Ո՛հ, ո՛չ, գրնա... դա Արշալույս ²:

Հայրենասիրական բանաստեղծություններում Պեշիկթաշլյանի խոհերի ու մտորումների անբաժանելի բնկերը բնությունն է, որը միայն հիացմունքի, կույսի հրապույրների համեմատության աւարկա չէ, կամ պասսիվ նկարագրությունների աղբյուր: Նա ներգործող, տրամադրություններ ու հույզեր ստեղծող մեծ ուժ ունի և բանաստեղծը այնտեղ է վերապրում հեռավոր երկրի կարոտը:

Բնության վերակենդանացումը, զովաշունչ գարնան զարթոնքը հեղինակին ներշնչում են ավերակների վերածված հայրենի երկրի սգավոր բնության դերադանց հմայքը, որը գեղեցիկ ձևով արտահայտված է «Դարուն» բանաստեղծության մեջ:

Թեպետ թունիկն ու հովն Հայոց
 Ավերակաց շրջին վերա
 Թեպետ պղտոր վրտակն Հայոց
 Նուիներու մեջ կը սողա
 Նոքա հառաչք են Հայրենյաց
 Նոքա չեթա՛ն սրբոես ի բաց ³:

Բանաստեղծությունների վերոհիշյալ շարքը լավագույն արտահայտությունն են Պեշիկթաշլյանի քաղաքական հայացքների ու իղձերի: Պեշիկթաշլյանը լիբերալ էր. նրա հասարակական գործունեության մեջ չկա հեռավոր արձագանքն անգամ դասակարգային հակասությունների ու դասակարգային պայքարի բմբռնմանը: Նա շթափանցեց հայ հասարակական կյանքի տնտեսական և քաղաքական հարաբերությունների մեջ, շտեսավ սոցիալական ներքին հակասությունները, աղաների, էֆենդիների ու ամիրանների հարստահարություններն ու շահագործումները: Նա առեսավ միայն օսմանյան կայսրության բռնության լուծր և ողջունեց Զեյթունի ապստամբությունը: Այս էր Պեշիկթաշլյանի քաղաքական պայքարի բարձրագույն արտահայտությունը «ազգի» աղատության, իրավունքների նվաճման համար:

¹ Մ. Պեշիկթաշլյան, Տաղեր, Երևան, 1947, էջ 43:

² Նույն տեղում, էջ 44:

³ Նույն տեղում, էջ 19:

Պեշիկթաշլյանն ունի իսկ մանկական բանաստեղծություններ՝ «Ողբ մանկան», «Առ Գոհարիկ», «Ծրգ լառ մանկիկ»:

Որպես բանաստեղծական չղացում «Ողբ մանկան»-ը թույլ է և անարժեք: Բովանդակության առանցքը թուշունի մահն է և, մանուկի հոգեկան ապրումները: Մանուկը իր հույզերով խիստ անմիջական է. նրա ուրախությունն ու վիշտը շունեն հարատևություն, իսկ հանդերձյալ կյանքով մխիթարվելու գաղափարը հեռու է նրա մտածողությունից և անհարիր է հոգուն:

Պեշիկթաշլյանի տարածված երգերից է «Առ Գոհարիկ»-ը, որի ժողովրդականությանը նպաստել է հատկապես տեքստի երաժշտության վերածումը: Փոքրիկ տողերի մեջ, պարզ, առանց պատկերների և բովանդակության խճողման նկարագրված է քմահաճ ու կամակոր շարաճճի աղջիկը: Բանաստեղծը այստեղ ևս աղջկա հրապույրները ղուգադրում է բնության գեղեցկություններին և նրանցով ամբողջացնում Գոհարիկի պատկերը.

Երբ որ իջնա պարտեղիկ
Քաղել ըզվարդ կամ հասմիկ,
Դու չես կրնար որոշել
Ով է վարդ, ով Գոհարիկ¹:

Պեշիկթաշլյանի մանկական երգերը բանաստեղծական վարպետության էամ առանձին շնորհքի արգասիք չեն և ոչինչ չեն ավելացնում նրա ստեղծագործական դանձարանի մեջ, ուշագրավ են որպես երևույթ միայն:

* *

Պեշիկթաշլյանը հայ նոր գրականության ուշագրավ դեմքերից է, արևմրտահայ աշխարհարար, նոր պոեզիայի հիմնադիրներից, որն իր բանաստեղծություններում խորը հուզականությամբ երգել է հայ ժողովրդի ազատագրական պայքարը, հայրենիքի սերը, բնությունը: Նրա ստեղծագործություններից մի քանիսը մոտ մեկ դար պահել են իրենց թարմությունը և մեր օրերում էլ ջերմ ընդունելություն են գտնում սովետահայ ընթերցողի կողմից:

¹ Ս. Պեշիկթաշլյան, Տաղեր, Երևան, 1947, էջ 51: